

QVÆSTIO MEDICA

CARDINALITIIS DISPUTATIONIBVS MANE DISCVTIENDA

IN SCHOLIS MEDICORVM, DIE IOVIS XIX. MAII

M. NICOLAO PIETRE Doctore Medico, Moderatore.

An diebus Aestatis feruentissimis vinum glacie diluere innoxium?

870

OPTIMA est quadripartita anni distributio: illius pars altera habetur Aestas, quæ feruore aëris & siccitate distinguitur: feruor ferè non constans est: quandoque vehementior ineunte æstate, quandoque prouectâ mollior: sæpius feruentissimum Aestatis tempus, est Hora Caniculæ: eo exorto fidere accensus aër, immoderato exardescit calore: nec ille esset ferendus ardor, ni hoc temporis intervallo, Etesiarum Aquilonum gratiore aurâ quodammodo leniretur: etiamnum tamen vehemens is est, vt interdum omnia, quodam quasi vredinis carbone exurantur: incendij huiusce vim homo præcipuè perlentit: tùm illi conflagrant viscera, exæstuatur spiritus, humores, præ cæteris bilis feruida facillè inflammatur, vnde tunc febres ardentissimæ vagantur periculosissimæ, biliosâ sanie à venis, quæ attrahendi vi pollent singulari, feruido aëris calore exsiccatæ, vndique attractâ.

ÆSTVOSO cælo hominis vis penè omnis concidit, halitu expirat vitalis & primigenius humor, caloris ætherei fomes: succus alibilis disperditur, vixque alius sufficitur, affectâ & penè prostratâ orexi, attamen tempestati consentaneâ: tùm carnes, quæ alimenti optimi plurimum suppeditare possent plerisque fastidiuntur, nausæamque mouent: panis non adeo gratus est cibus: suauiora tùm habentur edulia, fugaces fructus omnes, cucumeres, melopepones, fungi, ancipiti euentu cibus, edules asparagi, heluellæ, & alia id genus terrâ nata, quæ succi bonitate non adeo præstant, vnde succreuit impuritas multa, semen futura Autumnalium morborum: vt cibus deterior, sed suauior, non semper sit probandus.

VINVM, vuz viteæ succus, potu homini adeo gratum est, vt illius suauitate illectus, vnus animantium nullâ impulsus siti bibat: vini verò potum salutarem esse quis dubitat negare? cùm id doceat vsus haud stolidus magister, confirmet ipsa ratio, vsus norma & regula: sitim extinguit, nutrit, cordis labores subleuat, stomachi tædia discutit: vini frigidâ temperati præcipua laus est: feruorem summum potissimè temperat, atque vtriusque mutuâ perfusione, huius & illius exuperantiâ ad moderationem quandam redactâ, comparatur potus, Sirio ardore, suauissimus, & minimorum saluberrimâ.

EPOTA glacies vino temperata, refrigerandi vi quâ pollet, vini tenuitate ceu vehiculo deductâ, & longè latèque diffusâ, corpus vniuersum æstiuo caumate quasi inflammatum, voluptate frigoris perfundit: vnde æstuans stomachus, sensus appetitus sedes, recreatur vnâque placatur sitis: ventriculus, & cætera, quæ apparant cibos, viscera accensa temperantur: Spiritus, humores ebullientes deferuescunt: insitus cuique parti calor, & innatus humor, temperato hoc frigore conseruatur, & vtriusque inhibetur dissipatio: vnde multo vegetior ille fit, & huius substantia longè firmior, hinc ciborum maior appetentia, ventriculi validior concoctio, temperatior sanguis, solidius virium robur. Vt immerito damnetur mensis glacies, cùm non minimum iuuat, ope etiam medicâ, neutiquam verò nocere possit.

ECQVÆ perniciosâ glacie vino temperatè immixtâ & æstu feruidissimo epotâ, cùm syncera deglutita, sæuiente etiam frigore, nil prorsus lædat: Hyeme cùm omnia sunt constricta gelu, plerique gelidam penè congelatam liberalius bibunt, & incauti nec opinantes glaci frusta deuorant, nullo ventriculi damno, nullo caloris natiui dispendio: licet tùm temporis calor non validior sit, nec illius substantia vberior: Hyeme gelascit panis, estur tamen innoxie: gelantur & cætera edulia, & nihilo deterior eorum succus: brassica commendatur glaciata, & cæ, non excusâ glacie sapo-glacie solutâ colligitur: quinetiam, Medicis authoribus, glaciata aqua potu, cordis palpitatio sedatur: deglutitâ sensim glacie, sanatur faucium inflammatio: comparatur ventriculo robur, etu fructuum, qui iam temperie frigidi, niue glaciæ conserpsi fuerint: malefica vis huiusmodi, quæ in præcordia subiit, deuoratâ glacie eluditur. Et si gelu vitio, corrupta prorsus & deprauata esset aqua, vino tamen alioue liquore medicata, illius potus cùm sanis indole feruidiore, tùm ægris calore malè affectis, foret salutatis: ecquid aliud acutum quam vinum deprauatum? eo meraco hauito quid nocentius? attamen medici consilio dilutum aquâ, potus fit febricitantibus saluberrimus. Itâ res est: Medicis rerum vitia emendat arte suâ: & naturæ hominum salutis perstudiosè, emulus, vnam hanc curam habet præcipuam, vt quæ extant omnia, etiam quæ veneni speciem præse ferunt, se dent, & cedant in humanæ salutis usum.

Ergo diebus Aestatis feruentissimis vinum glacie diluere innoxium.



Proponerebat Lutetiæ **CLAVDIVS PERRAVLT** Parisinus. A. R. S. H. M. DC. XXXIX.